

## Kutxa Bank

# Pribatizaziorako pauso berria emango dute EAeko kutxek

2012ko urtarrilaren 1ean jarriko da martxan euskal banku berria: Kutxa Bank. EAeko hiru aurrezki kutxak (BBK, Kutxa eta Vital) fusionatuz sortuko da, irailean egingo diren batzar nagusietan administrazio kontseiluek hartutako erabakiak onartzen badira, behintzat. Banca Cívica, berriz, Nafarroako Kutxa barruan hartzen duen bankua, irten da dagoeneko burtsara.

DANIEL UDALAITZ

KUTXA BANK SORTZEAR DA. 2012ko urtarrilaren 1a baino lehen, arau, merkataritza eta lege eginkizunak konplutuko dituzte; aktiboak eta pasiboak bereizteko eta erakunde berrira eramateko prestakuntzak amaituko dira; eta integrazioa zehatz-mehatz planifikatuko da. Vital eta BBK-ko batzar nagusiak irailaren 16an izango dira eta Kutxakoa hilaren 23an.

Banku berria laugarrena izango da Espainiako Estatuko aurrezki kutxa fusionatuen rankingean, guztira 76.000 milioi euroko aktiboekin. Aurretik, Bankia (328.000 milioi euro), La Caixa (285.000 milioi euro) eta Caixa Catalunya (77.000 milioi euro) daude. Banca Cívica dator ondoren, Nafarroako CAN barne hartzen duen bankua, 75.000 milioi euroekin.

### Bi kutxen arteko fusioa, hasteko?

Ez da baztertu behar aurrezki kutxak fusionatu eta Kutxa Banken integrazteko eragiketa bi kutxa fusionatuz hasteko aukera. Litekeena da batzar nagusi horietan edo haietako batean ezustekoren bat egotea, eta azkenean hiru aurrezki kutxetako bik erabakitzea fusioarekin eta aipatutako bankua sortzearekin aurrera jarraitzea. Testuinguru horretan, ezin dugu alde batera utzi Gipuzkoako Kutxak ez onartzea eragiketa batzar nagusian, hori gerta daiteke. Hala gertatuko balitz ere,



Carlos Zapatero (Vital Kutxa), Xabier Iturbe (Kutxa) eta Mario Fernandez (BBK).

BBK-k eta Vitalek fusionatzeko eta aipatutako bankua sortzeko prozesuarekin jarraitu nahi dute, ziurtzat jotzen baita bi horiek eragiketa onartuko dutela. Hori adierazi zuen, behintzat, BBK-ko presidente Mario Fernandezek, joan den uztailan. Haren ustez, “zenezukoa da biren arteko fusioarekin” hastea, kutxaren batek ez badu hiru erakun-

**Lau urteko jardunaren ondoren, banku berriak aukera izango du burtsara irten eta pribatizatze**

deak integrazteko “nahikoa babes” lortzen batzar nagusian. “Ez litzateke zenezukoa izango berriro hastea” gehitu zuen Mario Fernandezek. Beraz, “orain arte egin duguna baliagarria izango da. Biren artean hasiko ginateteke oraingoz, ziur bainago, hala gertatuko balitz, gero beste fase bat egongo litzatekeela”.

Egia esan, aukera hori aztertu zen hiru administrazio kontseiluek Kutxa Bank sortzea erabaki zutenean ere. Horregatik, EAeko hiru kutxetako presidentek joan den ekainean notarioaren aurrean sinatu zuten integrazio kontratuak klau-

## Banca Cívica, edo bankutzea hasi zenean

Nafarroako Kutxak, CANek, Hego Euskal Herriko aurrezki kutxen bakuntze prozesua hasi zuen. Gero, EAeko aurrezki kutxekin integratzeko aukera baztertu eta, presazko finantziario beharregatik agian, Espainiako beste aurrezki kutxa batzuekin fusionatzea erabaki zuen: Andaluziako Caja Solekin, Caja de Burgoekin eta Caja de Canariasekin, hain zuzen.

Aurtengo apirilaren 7an bere bankua sortzea erabaki zuen, Banca Cívica izenekoa. 75.000 milioi bat euroko aktiboak ditu guztira Banca Cívica, Kutxa Bankek edukiko lituzkeenak baino gutxiago. Uztailaren 20an pribatizatu egin zen, burtsara irtetean. Baina, horren

ondorioz, 1.342-1.889 milioi euroan murriztu du balioa; hau da %50tik %60ra bitartean murriztu da Banca Cívica-ren kontabilitate balioa, 2.788 milioi euroan baloratua. Horregatik, %40tik %47,5era igo behar izan du burtsara ateratako kapital sozialaren ehunekoa, funts gehiago lortu ahal izateko.

Eragiketa horrekin, Banca Cívica-ko arduradunek inbertitzaile pribatuen dirua eskuratu nahi zuten, 600 milioi eurotik 945 milioi eurora bitartean, hain zuzen. Kopurua txikiagoa edo handiagoa izan liteke, eragiketaren azken prezioaren eta bolumenaren arabera.

sula loteslea du: hiru erakundeetako batek atzera egingo balu ere, prozesua bertan behera ez uztea. Aukera hori gehitu zen, ez dagoelako argi zein izango den Gipuzkoako Kutxako batzar nagusiaren emaitza. BBKren eta Vitalen kasuan, bermatuta dago emaitza aldekoa izango dela; izan ere, EAJ, PSE eta PP ados jarri ziren CCOO sindikatua-rekin, eta gehiengo dute bi batzar nagusi horietan.

### Bilbon egoitza

Kutxa Bank berriaren egoitza Bilbon egongo da, banku berriaren pisu ekonomiko-finantzarioaren handiena BBK-k jarriko duelako; jardura ekonomiko-finantzarioaz arduratuko da egoitza hori. Bitarteko eta baliabideen jarduerak Donostiako egoitzan egingo dira, eta harreman instituzionalekin eta arauak betetzearekin lotutakoak, berriz, Gasteizko egoitzan.

Hiru aurrezki kutxek banku berriaren izango duten partaidetzaren proportzioak honako hauek izango dira: BBKren partaidetza %57koa izango da, Kutxarena %32koa eta Vitalena %11koa. Kasu honetan, BBK-k hertsiki dagokiona baino zertxobait gutxiago hartu du, beste bi aurrezki kutxen mesedetan, biak eroso senti daitezkeen banku berriko Akziodunen Batzar Nagusian duten ordezkariarekin. Nolanahi ere, gai estrategikoak administrazio kontseilu berriaren erabakiko dira, eta haren osara bestelakoa izango da. Erakunde bakoitzaren benetako pisu ekonomiko-finantzarioarekin lotuago egongo da osara hori

Datu nagusiak			
	BBK	KUTXA	VITAL
<b>Kapital nagusia*</b>	3.604	1.976	810
<b>Aktiboak*</b>	47.891	19.622	8.643
<b>Bezeroen gordailua*</b>	31.186	18.837	6.420
<b>Etekinak*</b>	257,8	69,4	38,6
<b>Bulegoak</b>	881	347	128
<b>Langileak</b>	4.918	2.589	810

\* Milioi eurotan. Datuak 2010eko abenduaren 31koak dira

(akordio politikoan baino hiru puntu gehiago); hau da, kontseiluko 20 kideetatik, 12 BBK-koak izango dira, 6 Kutxakoak eta 2 Vitalekoak.

BBK-k banku berriaren partaidetza handiagoa izango duenez, Bizkaiko erakundeak beto eskubidea izango du erabaki estrategikoetan; izan ere, sinatutako akordioaren

arabera, erabaki horiek hartzeko, beharrezkoa izango da gutxienez ere bi aurrezki kutxa ados egotea, eta partaidetza handiena duenak izan beharko du beti horietako bat, hau da, BBK-k. Lau urtez jardunean egon ondoren, banku berriak aukera izango du burtsara irten eta pribatizatzeke. ■

Personalmente me parece importante.

~~Pertsonalki~~ Niri garrantzitsua iruditzen zait.

Itzulpen eta zuzenketa zerbitzu profesionala  
GAZTELANIA | EUSKARA | INGELESA | FRANTSESA | ALEMANA

**11**itzulpen  
www.11itzulpen.com

**SOLOZABAL**

*Eskura ezazu teorikoa 5 egunetan  
edozein gidabaimenerako*

- IKASTARO INTENTSIBOAK
- CAP IKASTAROAK
- ADR IKASTAROAK
- GARRAIOLARIEN LANBIDE-TREBAKUNTZAKO IKASTAROAK

☎ 943 217 390

[www.solozabalautoeskolak.es](http://www.solozabalautoeskolak.es)